

Alþingi
Erindi nr. P 133/146
komudagur 14.11.2006

Alþingi, 14. nóvember 2006.

Fjárlaganefnd Alþingis.
Hr. Birkir Jón Jónsson, formaður.

Vísað er til bréfs yðar, dags. 5. október sl., þar sem óskað er eftir álitni samgöngunefndar á frumvarpi til fjárlaga fyrir árið 2007. Álit nefndarinnar sendist yður hér með.

F.h. formanns samgöngunefndar,



Ingvar Sigurðsson nefndaritari.

Álit

um frv. til fjárlaga fyrir árið 2007 (10 Samgönguráðuneyti).

Frá samgöngunefnd.

Samgöngunefnd hefur að beiðni fjárlaganefndar fjallað um þann hluta fjárlagafrumvarpsins sem er á málefnasviði hennar, sbr. 2. mgr. 25. gr. laga nr. 55/1991, um þingsköp Alþingis, og bréf fjárlaganefndar frá 5. október 2006.

Nefndin fékk á sinn fund Halldór Kristjánsson, Jóhann Guðmundsson og Bergþór Ólason frá samgönguráðuneyti og gerðu þeir grein fyrir þeim liðum frumvarpsins sem snerta ráðuneytið. Að auki komu á fund nefndarinnar Hermann Guðjónsson siglingamálastjóri ásamt Sigurði Grétarssyni til að ræða þann hluta frumvarpsins sem snýr að verksviði Siglingamálastofnunar, Þorgeir Pálsson flugmálastjóri ásamt Sigrúnu Traustadóttur til að ræða þann hluta frumvarpsins sem snýr að verkefnum Flugmálastofnunar og Jón Rögnvaldsson vegamálastjóri ásamt Auði Eyvinds til að ræða þann hluta fjárlagafrumvarpsins sem snýr að vegamálum.

Nefndin tekur undir athugasemdir vegamálastjóra sem fram komu á fundi með nefndinni um að hækka þurfi framlög sem ætluð eru til að styrkja almenningsamgöngur en til þeirra teljast ferjur, sérleyfishafar og innanlandsflug. Mörg slík verkefni eru sammingsbundin. Þá tekur nefndin undir athugasemdir vegamálastjóra varðandi fjárförf til viðhalds vega.

Nefndin tekur einnig undir athugasemdir flugmálastjóra um að aukin framlög þurfi í almennan rekstur Flugmálastjórnar Íslands, til flugvalla og flugleiðsögupjónustu. Mikilvægt er að fjárlaganefnd skoði þessi mál í fjárlagavinnunni.

Loks tekur nefndin undir athugasemdir siglingamálastjóra varðandi höfn í Bakkafjöru. Ef standa á við áform um að höfn í Bakkafjöru verði tilbúin árið 2010 þarf að fást frekari fjárveiting til rannsókna og undirbúnings á árinu 2007. Ekki er að finna nein framlög til þessa verkefnis í frumvarpinu.

Nefndin leggur loks áherslu á að auknum fjármunum verði varið til upplýsingamiðstöðva í ferðaþjónustu.

Engin erindi bárust nefndinni til umfjöllunar undir safnliðnum 10-190-1.12, Vetrarsamgöngur.

Nefndin leggur til eftirfarandi skiptingu á safnliðnum 10-190-1.42, Gestastofur, söfn og markaðsstarf, sjá lista á meðfylgjandi blaði.

Nefndin leggur til eftirfarandi skiptingu á lið 10-190-1.90, Ýmislegt, sjá lista á meðfylgjandi blaði. Öðrum erindum vísar nefndin aftur til fjárlaganefndar. Erindin eru eftirfarandi: Hornafjörður - upplýsingamiðstöð ferðamanna, Atvinnu- og ferðamálanefnd Flóahrepps - ferðaþjónusta, Bolungarvíkurkaupstaður - ferðamál, Skaftárhreppur - upplýsingamiðstöð í Skaftárhreppi, Mosfellsbær - uppbygging ferðaþjónustu, Markaðsstofa Austurlands, Ferðaþjónustan Suðurströnd ehf., Tálknabyggð ehf. og Ferðafélag Íslands - sæluhúsið í Hvítárnesi.

Guðjón A. Kristjánsson skrifar undir álitid með fyrirvara vegna setu í fjárlaganefnd. Kristján Möller, Anna Kristín Gunnarsdóttir og Þórunn Sveinbjarnardóttir skrifa undir

álitid með fyrirvara.

Sigurrós Þorgrímsdóttir og Guðjón Hjörleifsson voru fjarverandi við afgreiðslu málsins.

Jón Bjarnason sat fundinn sem áheyrnarfulltrúi og er hann samþykkur álitinu þessu en með fyrirvara.

Alþingi, 14. nóv. 2006.

Guðmundur Hallvarðsson,
formaður.

Anna Kristín Gunnarsdóttir,
með fyrirvara.

Hjálmar Árnason.

Kristján L. Möller,
með fyrirvara.

Þórunn Sveinbjarnardóttir,
með fyrirvara.

Jón Kristjánsson.

Guðjón A. Kristjánsson,
með fyrirvara.

**Tillögur samgöngunefndar að skiptingu safnliða
í fjárlagafrumvarpi fyrir árið 2007.**

1. Vetrarsamgöngur (10-190-1.12).

Óskipt 1.900

2. Gestastofur, söfn og markaðsstarf (10-190-1.42).

1.	Minja- og handverkshúsið Kört	3.000
2.	Ferðaþjónustan Grunnavík ehf.	1.000
3.	Gestastofa og hákarlasýning í Bjarnarhöfn	1.500
4.	Snertilausnir ehf. - Húsavík	2.500
5.	Vestmannaeyjabær - upplýsingamiðstöð ferðamanna	2.000
	Óskipt	2.700

Samtals 12.700

3. Ýmislegt (10-190-1.90).

1.	Ferðamálafélag Dalasýslu og Reykhólasveitar	1.700
2.	Súðavíkuhreppur - skráning örnefna	500
3.	Drangeyjarfélagið	1.000
4.	Grettislaug á Reykjum í Skagafirði	1.000
5.	Markaðsskrifstofa ferðamála á Norðurlandi	3.000
6.	Náttúruskoðun á Skaga	500
7.	Ferðaklúbburinn 4x4	800
8.	Atvinnuþróunarfélag Þingeyinga - Snjótöfrar	2.000
9.	Samtök um sögutengda ferðaþjónustu	2.000
10.	Hveravallafélagið	1.500
11.	Söguslóðir Hrafnkelssögu	1.000
12.	Ferðamálafélag Dalasýslu og Reykhólasveitar	1.000
13.	Ferðafélag Akureyrar	2.000
14.	Siglu fjörður - skráning örnefna	500
	Óskipt	600

Samtals 19.100

4. Vísað til afgreiðslu fjárlaganefndar:

1. Hornafjörður - upplýsingamiðstöð ferðamanna
2. Atvinnu- og ferðamálanefnd Flóahrepps - ferðaþjónusta
3. Bolungarvíkurkaupstaður - ferðamál
4. Skaftárhreppur - upplýsingamiðstöð í Skaftárhreppi
5. Mosfellsbær - uppbygging ferðaþjónustu
6. Markaðsstofa Austurlands
7. Ferðaþjónustan Suðurströnd ehf.
8. Tálknabyggð ehf.
9. Ferðafélag Íslands - sæluhúsið í Hvítárnesi